

بهشتی آختارانلار و جهنمدن قاچانلار

ایمام علی (ع) نهج البلاغه ده بویورولار: دنیانین اوزو گنتماقدادیر و ویداع آهنگینی چالیر و آخیرتین اوزو گلماقدادیر.



ایمام علی (ع) نهج البلاغه ده بویورولار: دنیانین اوزو گنتماقدادیر و ویداع آهنگینی چالیر و آخیرتین اوزو گلماقدادیر. بیلین کی بویون آتلاری حاضیرلاماق گونودور و صاباح موسابیه گونو. کیم قاباغا دوشرسه بهشت اونوندور, و هر کیم دالی یا قالیرسا, اونون یتری اود اولاجاق. هنج کس یوخدور کی اؤلومو چاتمامیش اؤز خطاسیندان توبه انده؟ کیمسه یوخدور کی بدختلیقدان قاپاق اؤزونه بیر ایش گؤره؟ بیلین کی سیز عؤمور گونلرینده اومیدلر و آرزولاردا بوغولورسوز, بیر حالدا کی اؤلوم سیزن آرخازدا کمین قوروب. هر کس بو گونلر و اؤلوموندن قاپاق اؤزونه بیر ایش گؤره, عملی اونا فایدا وئره جاق و اؤلومو اونا ضرر وورمایاجاق و هر کس کی بو گونلر کمکارلیق انده و اؤزو اوچون بیر ایش گؤرمیه, عملی نین فایداسی اولماییب اؤلومو ضرر ووراجاق.

وحشت و قورخو گونونده اولدوغو کیمی امنیتده و آساییشده ده آلاسه ایشینه قوشولون. بیلین کی من بهشته تای بیر شئی گؤرمه میشم کی اونو آختاران غفلت یوخوسوندا یاتسین و جهنم کیمی بیر شئی گؤرمه میشم کی اوندان قاچان, قاچماق و اؤزونو قورتارماق یئرینه راحت یوخویا گنتمیش اولسون. بیلین کی هر کس اؤز حقیقندن فایدا اپارمایا, باطیل اونا ضرر یتتیر و کیمسه کی هیدایت اینن دوز یولا گنتمیه, ضلالت اونو اؤلدورر. بیلین کی سفر یوکونو باغلامالیسیز و سیزه دئییلر کی سفر یوکوز نه دیر و هاردادیر.

سیز اوچون ایکی شئیدن قورخورام: بیر نفسین ایستک لری نین دالسیجان گنتماق و او بیرى باشدا اوزون آرزولار بجرماقدیر. بو دنیادا, انله بو دنیادان توشه گؤتورون کی صاباح او بیرى دنیادا اؤزوزو موزارتان قورتاراسیز.

لینک مطلب در سایت : <http://torki.tebyan-tabriz.ir/?MID=21&Type=News&id=534>